

Na osnovu člana 22 Statuta Brčko distrikta BiH („Službeni glasnik Brčko distrikta BiH“ broj 3/07), člana 32 Zakona o prostornom uređenju Brčko distrikta BiH („Službeni glasnik Brčko distrikta BiH“ brojevi: 9/03, 23/03, 15/04 i 10/06), člana 45 Poslovnika Skupštine Brčko distrikta BiH – prečišćeni tekst („Službeni glasnik Brčko distrikta BiH“ broj 11/03), i Prijedloga odluke gradonačelnika broj: 01-014-011347/07 od 11. 6. 2007. godine, Skupština Brčko distrikta BiH na 50. sjednici održanoj 14. juna 2007. godine donosi

O D L U K U

O PRISTUPANJU IZRADI IZMJENA I DOPUNA REGULACIONOG PLANA «KOLOBARA» U BRČKO DISTRIKTU BiH

Član 1

Pristupa se izradi izmjena i dopuna Regulacionog plana «Kolobara» u Brčko distriktu BiH (u daljnjem tekstu: Regulacioni plan), u skladu s namjenom površina iz Urbanističkog plana grada Brčko – izmjene i dopune 1996-2006. godine.

Član 2

Izrada izmjena i dopuna Regulacionog plana će se raditi za dio naselja koji je Urbanističkim planom grada Brčko utvrđen za poslovno-stambenu zonu. Granice obuhvata Regulacionog plana i mikrolokacije za koju se predlažu izmjene Regulacionog plana su definisane u grafičkom prilogu koji čini sastavni dio ove odluke.

Član 3

Obuhvat predmetnog Regulacionog plana zahvata površinu od 5,50 hektara

Član 4

Regulacioni plan se donosi za vremenski period od 10 godina.

Član 5

Sredstva za izradu izmjena i dopuna Regulacionog plana «Kolobara» obezbijedit će se iz sredstava budžeta Brčko distrikta predviđenih za te namjene.

Član 6

Nosilac priprema Regulacionog plana je Odjeljenje za prostorno planiranje i imovinskopravne poslove Vlade Brčko distrikta BiH.

Nosilac izrade Regulacionog plana je ovlaštena projektna organizacija, registrovana za izradu prostorno-planske dokumentacije, a odabrana prema zakonskoj proceduri.

Član 7

Odjeljenje za prostorno planiranje i imovinskopravne poslove Vlade Brčko distrikta BiH dužno je da u toku izrade Regulacionog plana obezbijedi saradnju i usaglašavanje stavova sa svim zainteresovanim subjektima, u skladu sa zakonskim propisima.

Član 8

Regulacioni plan će se u svemu raditi prema Zakonu o prostornom uređenju Brčko distrikta BiH («Službeni glasnik Brčko distrikta BiH», brojevi: 9/03, 23/03 i 15/04) i Uputstvu o obaveznoj jedinstvenoj metodologiji za pripremu i izradu regulacionih planova i urbanističkih projekata, objavljenom u “Službenom glasniku SRBiH” broj 37/87.

Član 9

Postupak izrade, usaglašavanja i donošenja plana sprovest će se u skladu s odredbama Zakona o prostornom uređenju Brčko distrikta Bosne i Hercegovine («Službeni glasnik Brčko distrikta BiH», brojevi: 9/03, 23/03 i 15/04).

Član 10

Ova odluka stupa na snagu danom donošenja i objavit će se u „Službenom glasniku Brčko distrikta BiH“.

Broj: 0-02-022-67/07
Brčko, 14. juna 2007. godine

PREDSJEDNIK
SKUPŠTINE BRČKO DISTRIKTA BiH
Prof. dr. Milan Tomić, s.r.